

# GIDDEHUSOHCAMUŠA DEAVDINRÁVA

## Oppalaččat ohcamuša birra

Giddehusa sáhtta ohcat giddodaga dahje dan mearrevidodaga dahje mearreoasi eaiggát, geasa lea mañimuš miedihuvvon lágačuorvva gažaldatvuloš báikái, dahje dakkár giddehusgelbbolaš láigovuoigatvuoda hálddašeaddji, gean nammi láigovuoigatvuoha lea mañimuš girjejuvvon lágačuorvva- ja giddehusregistarii. Giddehusa sáhtta ohcat seamma áigge go lágačuorvva dahje láigovuoigatvuoda girjen ohccojuvvo.

Olles báikki sáhtta giddet dušše buot eaiggáidid dahje hálddašeaddjiid ohcamušas. Mearreoasi eaiggát sáhtta giddet dušše iežas olles mearreoasi.

Giddehusa sáhtta ohcat jogo Giddodatgávppi fierbmebálvalusas dahje Eanamihtidanlágádusa ohcamušskoviin "Giddehusohcamuš". Dán rávvagis čilgejuvvo, maid dieđuid mange ohcamušskovi báikái galgá deavdit.

## Báiki

Dása devdojuvvojit giddenláhka báikki gieldda- ja registarnummerdieđut (omd. Suomenniemi ja giddodatdovddaldat 775-408-17-36, mearrevidodatdovddaldat 775-408-17-36-M601 dahje láigovuoigatvuoda lágádusdovddaldat 775-408-17-36-L1). Lassin galgá válljet giddenláhka báikki šlája báikkis ovdanboahtti molssaeavttuin. Jos giddenláhka báiki lea mearreoassi, de gažaldatvuloš báikái galgá deavdit mearreoasi sturrodaga (omd. 1/2, 1/4, 1/8).

Báikái galgá maid deavdit eanasaji nama, jos giddenláhka báikin lea eanasadji (iige omd. dállosadji).

Báiki	Gieldda	Eanasaji namma	Giddodatdovddaldat / Mearrevidodatdovddaldat / Lágádusdovddaldat
	Suomenniemi	Piutala	775-408-17-36

## Giddehusa ruhtamearri

Dása galgá deavdit nannenláhka giddehusa ruhtameari / nannenláhka giddehusaid ruhtameriid. Nummerortnet vástida giddehusaid ovdasadjortnega. Báikái 1 merkejuvvon ruhtameari vástideaddji giddehus lea buoremus ovdasajis.

Giddehusa ruhtamearri	Čuovvovaš ruhtamearit nummerortnega miel ovdasadjortnegis:			
	1. 150 000	euro	4.	euro
	2. 75 000	euro	5.	euro
	3.	euro	6.	euro

## Pántagirjji hápmi

Gažaldatvuloš báikkis galgá válljet giddehusas addinláhka pántagirjji hámi. Pántagirjji sáhtta leat jogo elektrihkalaš dahje čálalaš.

Elektrihkalaš pántagirjji čohkiida elektrihkalaš pántagirjji ja dan oažžui guoski merkemiin, mat dahkkojuvvojit lágačuorvva- ja giddehusregistarii gažaldatvuloš giddehusa buohta. Elektrihkalaš pántagirjjis ii addojuvvo sierra čálalaš duodaštus dahje eará áššegirji.

Čálalaš pántagirjji čohkiida Eanamihtidanlágádusa ovdaprentejuvvon skovvá čálihuvvon pántagirjjis. Čálalaš pántagirjjis bohtet ovdan giddehusa báiki, ruhtamearri ja dovddaldat (áššenummir) sihke giddehusohcamuša gieđahallamiiboahthinbeaivi.

## **Mearrádus elektrihkalaš pántagirjji oažžun**

Jos ovddabeale báikkis lea válljejuvvon elektrihkalaš pántagirji, dákko sáhtta mearridit, gean galgá merket elektrihkalaš pántagirjji oažžun.

Jos dákkár mearrádusa hálida addit, dása devdojuvvon elektrihkalaš pántagirjji oažžu namma ja persovdnadovddaldat dahje Y-dovddaldat. Jos báiki ii leat devdojuvvon, elektrihkalaš pántagirjji oažžun merkejuvvon giddehusbáikki eaiggát dahjege ohcci. Go ohcamušas mearriduvvo, ahte elektrihkalaš pántagirjji oažžun merkejuvvon eará go ohcci, giddehusohcamuša čovdosis sáddejuvvon diehtu oažžun merkejuvvon oassebeallái šleatgapoastta bokte dainna eavttuin, ahte dieđu sáhtta elektrihkalaččat sáddet ohcamušas leahkki dahje muđui girjenvirgeoapmahažžii dán várás almmuhuvvon čujuhussii. Dan várás gažaldatvuloš báikkis sáhtta almmuhit elektrihkalaš pántagirjji oažžun merkenláhkai oassebeali šleatgapoastačujuhusa.

## **Mearrádus čálalaš pántagirjji addimis ja hálddašeaddjimerken**

Jos ovddabeale báikkis lea válljejuvvon čálalaš pántagirji, dákko sáhtta mearridit, ahte čálalaš pántagirjji galgá doaimmahit njuolga nammaduvvon velgoheaddjái.

Jos dákkár mearrádusa hálida addit, dása devdojuvvon velgoheaddji namma, persovdnadovddaldat dahje Y-dovddaldat, oktavuodaolmmoš, poastačujuhush, šleatgapoastačujuhush ja telefonnummir. Dábálaččat dákkár meannudeami birra lea sohppojuvvon ovddalgihtii ohcci ja velgoheaddji gaskkas. Jos gažaldatvuloš báiki ii leat devdojuvvon, čálalaš pántagirji doaimmahuvvo ohccái dahje ohcci áššeolbmui, jos ohcci geavaha áššeolbmo.

## **Duššefal pántagirjji hálddašeaddjimerken**

Dán sáhtta deavdit dušše, jos ovddabeale báikkis lea válljejuvvon čálalaš pántagirji iige mearrádus čálalaš pántagirjji addimis leat addojuvvon.

Lea vejolaš, ahte ohccis lea dieđus velgoheaddji, guhte háliduvvo merkejuvvot lágačuorvva- ja giddehusregistarii čálalaš pántagirjji hálddašeaddjin, vaikko pántagirji ii mearriduvvoge doaimmahuvvot njuolga dán velgoheaddjái. Dákkár dáhpuhusas dása devdojuvvon velgoheaddji namma ja persovdnadovddaldat dahje Y-dovddaldat. Ohcci ieš ii goittot merkejuvvon registarii čálalaš pántagirjji hálddašeaddjin.

## **Ohcci**

Dása galgá deavdit ohcci nama sihke persovdnadovddaldaga dahje Y-dovddaldaga. Jos ohccit leat mánga, de buot ohcciid dieđuid galgá merket.

Dán báikkis ovdanboahhti ruvttui galgá lasihit ceahkastaga, jos ohccis lea maistráhta miedihan, álbmotdiehtovuogádagas ja Álbmotregistartarguovddáža sihkkarastinbálvalusain addojuvvon lága 36 §:s meroštallon dorvogielddus. Jos dorvogildosii lea doarjaluvvon, ohcamuš ja dan vejolaš čuovusáššegirjiit mearriduvvojit suollemassan eiseválddiid doaimma almmolašvuoda birra addojuvvon lága 24 §:a 1 momentta 31 čuoggá vuodul, daid osiin go dat sisttisdollet dorvogildosa vuloš oktavuodadieđuid.

## **Áššeolmmoš**

Dása devdojuvvon ohcci áššeolbmo namma, jos ohcci geavaha áššeolbmo.

Jos áššeolmmoš lea nammaduvvon, Eanamihtidanlágádus doaimmaha vejolaš dievasmahttinbivdaga, mearrádusa ja eará vejolaš áššegirjiid njuolga áššeolbmui ja lea dárbbu mielde oktavuodas njuolga áššeolbmui vejolaš lassečielggadusaid oažžuma várás.

## **Oktavuodadieđut**

Dása galgá deavdit ohcci oktavuodadieđuid (poastačujuhush, šleatgapoastačujuhush ja telefonnummir), jos ohcci ii geavat áššeolbmo ja áššeolbmo oktavuodadieđuid, jos ohcci geavaha áššeolbmo.

Jos ohcci ii geavat áššeolbmo ja ohcci lea doarjalan dorvogildosii lasihemiin ceahkastaga ovddabealde máinnašuvvon ruvttui, ohcci sáhtta dákko almmuhit dakkár eará go dorvogildosa vuloš oktavuodadieđuid, maid bokte Eanamihtidanlágádus sáhtta doallat oktavuoda ohccái dorvolaš vugiin. Jos ohcci ii leat almmuhan oktavuodadieđuidis dákkár dilis, de Eanamihtidanlágádus ohcá dárbbalaš dieđuid álbmotdiehtovuogádagas.

Dán báikkis ovdanboahhti ruvttui galgá lasihit ceahkastaga, jos ii atte lobi áššegirjiid elektrihkalaš diehtunaddimii.

## Rehketčállindieđut

Dákko galgá almmuhit man láhkai ja gosa rehket bivdojuvvo doaimmahuvvot.

Vejolašvuohta bearrat fierbmerehkegiin guoská dušše daidda (dábálaččat fitnodagat ja eará servošat), geat leat almmuhan fierbmerehketdieđuideaset Eanamihtidanlágádusa girjenkantuvrii (kirjaamo@maanmittauslaitos.fi).

## Beaivemearri ja vuolláičálus

Gažaldatvuloš báikái devdojuvvo báiki ja beaivemearri, man maŋŋá ohcamuš vuolláičállojuvvo.

Dábálaččat ohcci vuolláičállá ohcamuša ieš. Jos ohcci goit geavaha áššeolbmo, áššeolmmoš dárbaša dárkkálmahtton váldegirjji ohcamuša vuolláičállimii. Ohcci vuolláičállin váldegirjjis galgá bohtit ovdan áššeolbmo namma, giddehusa báiki ja giddehusa ruhtemearri. Ohcamuššii galgá laktit kopia váldegirjjis.

## Ohcamuša doaimmaheapmi

Vuolláičállon ohcamuša sáhttá doaimmahit skánnejuvvon hámis (formáhtas .pdf, .jpeg dahje .gif) šleatgapoastta bokte čujuhussii kirjaamisasiat@maanmittauslaitos.fi dahje poastta mielde masanu čuovvovaš Eanamihtidanlágádusa bálvalančuoggáin:

- Maanmittauslaitos / Kirjaamisasiat, PL 1010, 00521 Helsinki (Uusimaa, Kanta-Häme, Päijät-Häme, Kymenlaakso, Lulli-Gárjil ja Lulli-Savo)
- Maanmittauslaitos / Kirjaamisasiat, PL 3, 20801 Turku (Varsinais-Suomi, Satakunta, Pirkanmaa, Davvi-Savo, Gaska-Suopma ja Álánda)
- Maanmittauslaitos / Kirjaamisasiat, PL 3300, 65101 Vaasa (Davvi-Gárjil, Lulli-Nuortabađaeana, Nuortabađaeana, Gaska-Nuortabađaeana, Davvebađaeana, Kainuu ja Lappi)

***Ohcamuša gieđahallamis berrojuvvo Eanamihtidanlágádusas máksu  
(<http://www.maanmittauslaitos.fi/hinnasto/kiinnitysasiat>)***